

السعيد للانتاج الفني

مسرحية الأطفال

فلـ ((و عروس البحر)) هـ

فكرة : طلال المولوي

تأليف : عبدالواحد محمد

٢٠٠٥ م

الفصل الاول - اللوحه الاولى

تبدأ احداث المسرحيه ع منظر شاطي البحر حيث الناس والاطفال يلعبون ويلهون ويظهر بشكل واضح كل من فله واخيها حسون وهما يصطادان السمك وتبدأ مجموعه من الاولاد والبنات يرقصون ويغنون اغنيه تعبر عن جمال شاطيء بحر سيلين والشاليهات وروعه الاجازه وقضاء وقت ممتع في ذلك المكان الجميل . . .

فله : ياسلام يا حسون ياخوي حلوه شواطى سيلين وجوها وايد حلوه . .

حسون : ياه روجي زين ابوي بدال مايسفرنا قص علينا ويابنا اهني بس كله خايف ايفسر فلوس

فله : حسون انت كلش مايعجبك شي (تبدوا صطادت سمكه) حسون
حسون شوف صدت سمجه . . حسون ماعرف اطلعها من السناره
تعال ساعدني

حسون : روجي زين اشتغل عندج انا طلعيها بروحج

فله : حسون انت تدري اني بنت رقيقه وماعرف اطلع السمجه من السناره . . اخاف تجرح يدي

حسون : بالعدال بس يارقيقه . . (نسمع صوت قارب قادم من بعيد)

فله : الله . . ابوي وامى حسون . . يباه . . يما

الاب : فله حسون . . صنتوا شي يا عيال

فله : اي يبا انا صدت سمجه وحسون مب راضى اطلعها من السناره

حسون : يبا تعال ودنا وياك في الطراد

الاب : زين زين الحين ياايكم يا عيال اتحملوا ع روحكم (صوت القارب مبعدا)

حسون : اففففف والله يقهر ابوي ذي

فله : حسون كم مره اقولك لاتقول اففف لا حق امي ولا ابوي

حسون : شاسوي ساعات يقهرون الواحد .. بس خلاص مابي اصيد زين

فله : اشفيك حسون

حسون : والله ابحرون .. رايعيين يتمشون بروحهم في الطراد واحنا قاطينا اهني ع سيف البحر .. (حسون يشرب الماء ويرمي الزجاجه ومخلفات الطعام في البحر)

فله : حسون شتسوي انت

حسون : ماسوي شي بالس اكل

فله : انا كم مره محذرتك .. انت ليش وصخ جدي

حسون : ياه .. اشسويت انا

فله : ليش ماتحافظ ع نظافة البيئه

حسون : اووووه روي زين عمال النظافه بيبون اينظفون المكان

فله : عمال النظافه يلحقون على شنوا ولا شنوا .. الواجب يا حسون احنا بروحنا انحافظ على نظافة بيتنا ليش نعتمد على عمال النظافه

حسون : خايبهم يشتغلون ولاتبينهم ياخذون معاشات وهم يالسين في بيوتهم

- فله : ياسلام .. عاد هذي كلام ايقوله واحد دارس وفاهم وعافل
ياحسنون
- حسنون : وبعدين حتى لو عمال النظافة مانتظفوا المكان .. اصلا
المخلفات هذي كلها بتروح تحت سطح البحر وتختفي
- فله : لا ياذكي .. المخلفات هذي كلها راح تتجمع تحت سطح البحر
واتلوث البيئة وممكن بعد تقضي على حياة الاحياء والكائنات
البحريه فهمت ياذكي .. قوم يلا قوم جدامي اشوف خل
انظف المكان
- حسنون : شنوا انظف المكان .. ليس اشغل عندج انا
- فله : لا ياحسنون انتة ماتشتغل عندي ولا شي بس هذي واجب كل
مواطن ومقيم ايعيش ع هذي الارض الطيبه (تقوم فله بتنظيف
المكان وهي تغني اغنيه تحت على الحفاض ع البيئة وشواطئ
البحر الجميله مجموعه من الاطفال تقوم بمساعدتها وتغني
معها)) شكرا شكرا لك كلكم يا اصدقائي الحلوين .. هي انت
ياكسول اللي مايحافظ على نظافة بيئه بلاده .. قوم يلا ..
- حسنون : (جالسا ياكل) .. نعم اشتبين يا عامله النظافه .. (يرمي قشرة
موز)
- فله : حسنون بعدين معاك حرام عليك .. انشالله يارب اشوفك عامل
نظافه في يوم من الايام
- حسنون : الله لا يقول انشالله .. انا حسنون اصير عامل نظافه هذي ولا
في الاحلام ..
- فله : كل عمل شريف مب عيب ياحسنون .. المهم قوم شيل معاي
الاغراض خل انروح .. (تجمع الاغراض) قوم حسنون
اشفيك الناس كلهم راحوا يلا قوم

حسون : تعالي وين رايعه

فله : الوقت تاخر قوم نرجع الشاليه

حسون : اخاف ابوي وامي يرجعون

فله : قوم يلا بنتصلهم فيهم وانقولهم احنا رجعنا الشاليه .. (فجاءه
نسمع صوت عروسة البحر وهي تستنجد)

العروسة : اااه .. لحقوني .. ساعدوني .. ارجوكم ساعدوني انقذوني
الله اخليكم باموت .. اااه ساعدوني

فله : سامع يا حسون الصوت اللي انا سامعته ؟

حسون : اي هاي جنه بنيه اتصيح (يقلدها) ساعدوني .. اااه انقذوني

فله : حسون مب وقت غشمره الحين .. تعال انشوف اشفيها يمكن
تحتاج مساعده المسكينه .. (يبحثان عن مصدر الصوت)
حسون لقيت شي

حسون : لا .. انتي لقيتي شي

فله : (تصرخ) حسون تعال بسرعه .. تعال اهني

حسون : يااااه شنوا هاي .. سمجه عوده ..

فله : هذي مب سمجه بالغبي .. (باستغراب) هذي عروسة بحر

حسون : الله هذي جنها العروسة اللي انشوفها في الرسوم المتحركة

فله : يااااه ... حلوه هذي العروسة وايد

حسون : باصورها بالجوال

فله : مب وقت تصوير الحين .. تعالي ساعدني انطلعها من الشبكه
حسون : لا يا فله اخاف اتسوي فينا شي .. انتي اشدر اج يمكن جنية بحر
هذي ..

فله : تعال زين اشفيك خايف

حسون : امشي انروح قبل مايي صاحب الشبكه وايظن انا احنا حراميه
انبوق السمج .. امشي اقولج ترا باتصل في ابوي (يسحبها من
يدها) .. يلا امشي

العروسة : فله حسون لاتروحون ارجوكم ساعدوني

فله : ياااه تتكلم هذي

حسون : شفتي ماقلت لج ينيه هذي .. اتعرف اسامينا بعد

العروسة : الله ايخليكم ساعدوني .. انا مب جنية ..

حسون : عيل اسلون عرفتي اسامينا

العروسة : انا سمعتكم تتكلمون مع بعض عرفت اساميكم

فله : حسون حرام احنا لازم انساعدها يلا بسرعه قبل ماتموت البنيه
(يهمان بمساعدتها ويخلصانها من الشبكه)

العروسة : مشكوره يا فله مشكور يا حسون .. انتوا انقذتوا حياتي من
الموت وانا عمري ماينسى لكم هالمعروف

فله : من انتي ؟؟؟

العروسة : (بدلع) .. انا .. انا عروسة البحر

حسون : انا مب مصدق .. احنا في حلم ولا في علم ؟

العروسة : انت في علم يا حسون وانا عروسة البحر واقفه جدامكم

حسون : يلا عاد انتقصين علينا .. (يحاول ان يسحب ذيلها) .. يلا زين
لابسه ذيل تركيب واتقول انا عروسة البحر

العروسة : اي اي .. (تتالم) .. اشفيك

فله : حسون اشفيك عورت البنيه ...

حسون : ياااه عجيبيه هذي .. عندها ذيل وعندها ريول تمشي مثلنا
ياسلام لو كان عندي ذيل جان سبحت في اعماق البحار ..
(يصورها بالموبايل) شوفي صورتج حلوه

العروسة : (تصرخ خائفه) شنوا ذي

حسون : هذي صورتج انا صورتج بالموبايل .. باطرشها لج اوكي
عندج بلوتوث ؟

العروسة : (تضحك) .. شنوا يعني توث توث

حسون : هاه

العروسة : شنوا يعني توث توث

حسون : توث توث .. يعني بلوتوث .. فله جني توهقت قولي لها شنوا
يعني بلوتوث

فله : البلوتوث اللي ايسلمج يعني .. يعني اشلون اشرح لها ..

العروسة : (تضحك) توث توث .. انتوا وين بيتكم .. وين اتعيشون؟؟؟

فله : احنا انعيش هناك شوفي الشاليه

العروسه : شنوا شاليه ؟؟؟

فله : شاليه يعني بيت

حسون : ابوي اياجر لنا شاليه كل سنه في الصيف اول ماتخلص
الامتحانات انبي اهني في الشاليهات .. احنا وبيت خالتي وبيت
عمي وبيت عمتي و جارتنا ام جاسم وبيت ..

فله : حسون بتقولها قصة حاتنا .. وانتي وين بيتكم ياعروسني الحلوه

العروسه : بيتنا (تنظر للبحر وتبكي) بيتنا هناك ابي ارجع بيتنا ...

حسون : انتوا عندكم بيت مثلنا يعني ؟؟؟

العروسه : رجعوني البيت ابي اروح عند امي

فله : اي عاد وين بيتكم ؟؟؟

العروسه : بيتنا تحت البحر

فله : وانتي شالي يابج اهني عندنا واشلون طحتي في الشبكه

العروسه : انا كنت اتمشى مع الخادمه ونلعب فجاءه مانتبهت الا انا
طايحه في الشبكه .. والخادمه يوم سمعت اصواتكم خافت
واشردت

حسون : انتوا خدامكم فلبينييه مثلنا ؟؟؟

العروسه : فل .. فل .. فل .. (تحاول نطق الكلمه) .. فلب بينينييه
(تضحك) توث توث (حسون وفله يضحكان) .. شنوا
يعني فلبينييه ؟

حسون : اوووو ٠٠ اوووو روحي زين ٠٠ مللتينا (يدفعها بعيدا)

قله : حسون اشفيك بالعدال هذي بنيه انت عبالك صبي مثلك تتغشمر
معاها جذي ٠٠ (العروسه تبكي) ٠٠ زين جذي زعلتها
حبيبتي خلاص لاتزعلين ترا حسون دايمًا جذي غشمرته دفشه

العروسه : ابي ارجع البيت ٠٠ انا خايفه ٠٠ اكيد الحين اهلي ايدورون
علي ٠٠ (اصوات وخطوات قائمه من بعيد)

قله : حسون جني اسمع صوت حد ياي صوبنا

حسون : قله خل نشرد بسرعه ٠٠ يمكن صاحب الشبكه اخاف يتهمنا
بالمسرقه وايبلغ علينا الشرطه

قله : زين والعروسه شنسوي فيها ؟؟؟

حسون : خليه اترجع البحر

قله : من صباك انت ٠٠ الدنيا ليل ٠٠ وين ترجع اخاف اتضيع
ولا اتطيح في شبكه ثانيه

حسون : والحل ؟؟؟

قله : انا من رايتي ناخذها معانه البيت

حسون : شنوا ٠٠ ناخذها البيت ٠٠ شنقول حق امي وابوي ؟؟؟

قله : اي والله هذي مافكرت فيها ٠٠ تدري اشلون ناخذها البيت واخشها
في غرفتي

حسون : ياسلام خوش فكره والله

قله : حلوه فكرتي صح .. شفت اشلون اختك ذكيه

حسون : ذكيه طل .. عبالج امي وابوي ما بيحسون يعني .. بعدين لي
متى بتمين خاشتها في غرفتي بالذكيه ..

قله : الين تلقى طريقه وانرجعها البحر عند اهلها .. حسون ساعدني
الله ايخليك حرام انخليها المسكينه بروحها اهني

حسون : اففف زين امري لله

قله : يلا يا عروستي الحلوه امشي معانه البيت

العروسه : هااه .. (تبكي) لالا لا مابي .. اروح بيتكم انا ابي ارجع عند
امي واخواني

قله : حبيبتي الحين الدنيا ليل ما يصير ترجعين خطر عليج .. تعالى
نامي عندنا اليوم وباجر من الصبح انشالله انساعج ترجعين
بيتكم (صوت من الخارج)

الصوت : هي انتوا بالحراميه .. شتسوون عندكم

قله : حسون جنهم قربوا صوبنا .. يلا نشرد بسرعه يلا
(يحملان العروسه ويخرجان)

اظلام

الفصل الاول - اللوحه الثانيه

(المنظر عبارہ عن صالۃ بيت فله حسون يلعب مع العروسه بسيارہ الرومون كونترول يقود السيارہ خلف فله وهي تصرخ خائف وتهرب)

العروسه : فله .. فله شوفي حسون .. اخوفني .. (تدخل فله بيدها صينيہ واكواب عصير)

فله : حسون .. بعدين معاك .. يننت البنيه مسكينه

حسون : اووووه العب وياها اشفيج انتي

فله : حرام عليك روعتها .. تعالى يا عروستي الحلوه ادوقج
عصيرفرش مسويته لج بيدي

العروسه : فررررش .. شتوا فررررش ؟؟؟

حسون : اففففف ياكتر ماتسال هذي

العروسه : (ضاحكه) .. توث توث

حسون : غشيمه ماتعرف شي كلش

العروسه : توث توث

حسون : بس هاي اللي فالحه فيه .. توث توث وتوث توث

العروسه : توث توث (تضحك)

فله : لازم تسال البنيه غريبه .. ماتعرف شي عن حياتنا .. (صوت ربح
وهيجان موج البحر .. تجري العروسه وتنظر من النافذه
وفله تذهب معها) .. امي وابوي تاخروا وايد حسون ..
تعال شوف جنه بيطق مطر .. (العروسه تشير للبحر) ابي
ارجع عند امي وابوي .. ابي ارجع بيئنا .. فله وديني البيت

حسون : شنوا اتوديج البيت .. احنا مانقدر نطلع في الوقت .. انتي تبين ابوي ايهاوشنا

العروسة : (تبكي) .. ابي ارجع البيت

فله : خلاص عاد حبيبتي .. لاتصيحين .. قلت لج بكره اول مايطلع الصبح انرجع .. تعالي حبيبتي تعالي انشوف التلفزيون هاج شربي عصيرج (العروسة تشرب)

العروسة : واع مب حلو

فله : ليش .. تبين اسوي لج غيره (حسون يفتح التلفزيون - العروسة تذهب للتلفزيون)

حسون : الله توم اند جيرى .. اتحبين توم اند جيرى انتي ؟

فله : (تضحك) اشعرفها شنوا توم اند جيرى

العروسة : جيرى .. جيرى

حسون : انتوا عندكم تلفزيون عود مثلنا ؟؟؟

فله : حسون تستعبط انت

العروسة : (تقترب من التلفزيون وكأنها تبحث عن شي)

حسون : عبالها في ناس داخل التلفزيون (ضاحكا) بلهه ذي

العروسة : توث توث

حسون : اي توث توث

العروسة : (تلمس الشاشة تصرخ فجاءه وتهرب وفله تجري خلفها)

فله : عروستي .. تعالي يا عروستي لاتخافين هذي صور .. حسون
سكر التلفزيون بسرعه شكلها البنيه خافه

حسون : زين زين خلاص سكرنا التلفزيون .. بنشوف اخرتها وياها
(یرن جرس الهاتف) .. الو من .. هلا عبود وينكم انتوا
امي وابوي عندكم فلوه عبود ايقول امي عندهم وابوي ياي ع
الطريچ ياخذنا .. زين عبود يلا باي .. اول مايوصل ابوي
بنبيكم .. عبود باقولك احنا عندنا عروسة (فله تغلق الخط)
فله : هي يالغبي تبي تفضحنا انت

حسون : اشفيا يعني اذا قلت حق عبود ..

فله : عبود ولد خالك ذي السانه فارط .. ما بيخلي حد مايقوله

حسون : اووووووه .. بروح دارني احسن لي .. انتي كله اتصارخين علي
وبس .. (يدخل غرفته)

فله : (تجري خلفه) حسون تعال اشفيك .. (یرن جرس الهاتف
العروسة ترفع السماعه وتفعل كما فعل حسون)

العروسة : الو من ؟ (تضحك) .. توث توث

فله : (تحسب السماعه من يدها بسرعه) .. الو ..

الاب : الو .. من يتكلم

فله : هلا بيا انا فله

الاب : به جنه الصوت تغير

فله : لاييه هذي صوتي

الاب : قبل اشوي سمعت صوت بنيه غير

فله : (مرتبكه) .. هالاه .. لاييه محد اهني .. بس .. بس يمكن
صار تشابك في الخطوط

الاب : المهم برزوا انتي واخوج انا ياي اخذكم

فله : هالاه وين تاخذنا بيه ؟؟؟

الاب : بنروح شاليه خالج .. امج راحت معاهم وانا ياي ع الطريق
اخذكم معاي ..

فله : بس .. بس بيه احنا

الاب : يلا برزوا بسرعه .. ترا تلفوني مافيه جرج وبيقطع

فله : انشالله بيه انشالله .. حسون يا حسون .. افتح الباب بسرعه

حسون : (من الداخل) .. ماكلمج انا زعلان

فله : حسون مب وقته الحين اطلع بسرعه اشفيك .. اكو ابوي ايطق
الباب اقولك اطلع

حسون : ابوي ياي ع الطريق زين شاسوي انا

فله : فكر معاي شنسوي الحين .. وين انودي العروسه

حسون : (يخرج) انتي ماقلتني بتخشينها في غرفتي يلا خشيه اشوف

فله : اي بس ابوي بيبي ياخذنا الشاليه عند خالي يعني العروسه بتم اهني
بروحها في الشاليه ...

العروسه : شاليه شاليه (تضحك)

حسون : والله مادري انتي كيفج انا بروح اكمل لبسي قبل مايي ابوي
وايهاوشتي .. (یرن جرس الباب)

الاب : حسون فله افتحوا الباب يا عيال انا ابوكم

فله : حسون اصبر اشوي لا تفتح الباب .. باودي العروسة داري
تعالی يا عروستي اخشج في داري .. اتحملي تطلعين ..
(حسون يذهب ليفتح الباب - يدخل الاب)

الاب : اشفيكم انتوا راقدين .. ساعه لي تفتحون الباب

حسون : ها .. احنا .. انا .. اهي .. اهمه .. يعني بيه
انا كنت .. لا اهي كانت .. لالا اهمه كانوا

الاب : حسون اشفيك مريض انت

فله : (تدخل مسرعه) .. اي بيا حسون مسكين مريض ..

الاب : اشلون

فله : على غلفه صحن من النوم ايصارخ .. اقوله اشفيك مايكلمني
فجاءه حط يده على بطنه وقام ايصارخ .. وانسدح ع الارض
ايتلوى .. بعد اشوي نط وقام يمشي على يده الين الحمام

الاب : اشلون

حسون : (بتصنع كوميدي) ... انا مريض .. انا تعبان

الاب : قولي اشفيك يا ولدي

حسون : انا حلمت بيه حلم اخوف ..

الاب : حلم اخوف ؟

حسون : حلمت جنة البحر اتطير في غرفتي

الاب : (ضاحكا) .. جنة البحر عاد مره وحده يا حسون زين قوم
اوديك المستشفى الضاهر انك مصخن يا حسون

حسون : لاء مستشفى لاء .. ابي ابي اروح ال .. اروح ال ..
(يجري للداخل - الاب وفله يضحكان)

الاب : فله انتي للحين مالبستي ثيابج يلا يبه روجي لبسي الناس
ينظرونكم هناك .. يلا بسرعه بارك الله فيج

فله : انشالله يبه (تدخل غرفتها والاب يدخل هو الاخر غرفته وفي هذه
الثناء تخرج فله مره اخرى وتذهب لغرفة حسون وتطرق الباب
بهدهوء) .. حسون افتح الباب حسون .. ابوي دخل غرفته افتح
الباب بسرعه

حسون : (يفتح الباب) هاه مشيت عليه اللعبه .. اشرايح فيني اعرف امثل

فله : حسون خل عنك الغشمره اللحين وتعال شوف المصيبه

حسون : شنوا بعد يا ام المصايب انتي

فله : العروسه مادري وينها مب موجوده في غرفتي

حسون : شتقولين؟ من صبحج انتي

فله : والله من صبحي .. خشيتها في الكبت داخل الغرفه والحين
ماردي وينها

حسون : اووووه مصيبه .. شنسوي الحين (يخرج الاب من غرفته
- يختبيء حسون بسرعه)

الاب : فله يلا يبه انتوا جاهزين

فله : انا جاهزه بيه بس حسون اخوي مادري جنبه رقد

الاب : (مقاطعا) روعي صحيه بسرعه يلا تاخرنا وايد

فله : انشالله بيه (تدخل غرفة حسون - بينما يجلس الاب ويتفرج على التلفزيون)

الاب : ياسلام خوش فلم رعب ذي . . (تخرج العروسة من المطبخ وفي يدها قدر وملعقه بحجم كبير و قد وضعت على راسها قطعة قماش كبيره بحيث تبدوا كالشبح وتمشي في الصاله دون ان يتبه لها الاب ويكون صوت التلفزيون عاليًا على موسيقى مرعبه ثم غير الاضاءه على خشبة المسرح يتلفت الاب فجاءه فيرى العروسة واقف امامه وتضع القدر على راسه فيصرخ) حسون فله لحقوا علي يا عيال جنية البحر اهني . . طلعوا بسرعه خل تشرد جنية البحر اهني (تهرب العروسة ويخرج حسون وفله وتعود الاضاءه كما كانت)

فله : اشفيك بيه اشصاير

الاب : حسون ماكان يحلم يافله . . جنية البحر اهني

حسون : انت من صجك بيه . . انا كنت اضحك معاك

الاب : انا شفتها بعيوني واقفه جدامي اهني . . قربت مني وتبي تهجم علي وحطت هالجدر علي راسي واشردت

فله : بيه اشفيك الله ايسلمك انت ماتعرف حركات حسون اخوي

الاب : اي حركات حسون اقولج شفتها واقفه جدامي . . (يسمع اصوات خارج المنزل) . . سامعه الصوت يافله ؟

فله : هاللاه . . مافي شي بيه هذي يمكن قطو ولا . .

الاب : لاشنوا قظوا .. انا بروح اشوف (يخرج الاب ويدخل حسون
ومعه العروسة يسحبها من يدها)

حسون : تعالي وين رايحه .. تعالي غربلتينا

العروسة : حسون هدني اقولك هدني

العروسة : مابيكم انا مابيكم هدوني ابي ارجع البيت

حسون : تعالي اقولج .. فله صيدها لاتفضحنا هذي (العروسة تهرب
للداخل وحسون وفله خلفها يدخل الاب ويرى العروسة امامه
فيهرب لخارج المنزل يدخل حسون ويحاول الامساك بالعروسة
فيصطدم بالباب ويقع مغشيا عليه بينما العروسة تهرب للخارج

فله : حسون .. يا حسون قوم اشفيك .. حسوووووون

(اظلام على المسرح)

نهاية الفصل الاول

الفصل الثاني - اللوحه الاولى

(المنظر عباره عن مكان جميل تحت سطح البحر ومجموعه من الاسماك الجميله والكائنات البحريه تسبح تدخل العروسه ومعها فله وحسون)

فله : ياسلام ياعروسني ممكنكم وايد حلوه

العروسه : تعالى اعرفكم على اصدقائي .. هذي صديقتي العنقوزه
وهذي صديقتي الفسكره .. وهذا صديقي الهامور وهذا صديقي
اما هذي صديقتي سمكة القرش

حسون : يما انا اخاف منها هذي

العروسه : لاتخاف يا حسون هذي ماتاذي اللي ماياذيها

حسون : (يحاول ان يمسك سمكه) الله باصيد السمكه هذي باحطها في
حوض البحر عندنا في البيت

العروسه : لا يا حسون حرام عليك تحبسها .. خلها حرة طليقة احسن
احنا نكره البشر لانهم يقتلونا ويسلبون حريتنا وحياتنا ..

فله : حسون خلاص عاد خل الاسماك في حالها .. (حسون يجري
خلف الاسماك ويحاول اصطيادها .. وفله والعروسه يجرون
خلفهم الى خارج المسرح .. يدخل اخطبوط كبير الحجم
ومعه سرطان كبير الحرس ومجموعه من الحرس) ..

الخطبوط : شاللي صاير في اليوم يا كبير الحرس .. الامور ماتطمئن

السرطان : الظاهر في دخلاء ع المملكه سيدي

الخطبوط : ياسلام دخلاء وانتوا واقفين تتفرجون

السرطان : احنا ننتظر الاوامر منك ياسيدي .. (يدخل سمك الكنعد
وهويكي) ..

الخطبوط : خير يا بالكعد اشفيك انت الثاني

الكعد: الحق علينا ياسيدي المسول .. عيالنا انطفوا

الخطبوط : شتقول

الكعد: في دخلاء من البشر خطفوا عيالنا

الخطبوط : يعني صادوهم بالسناره .. يلا الله ايعوض عليك

الكعد: لياسيدي الخطبوط .. في رجل من الانس نازل تحت البحر
عندنا وخطف عيالي .. شفته بعيوني حطهم في الكيس وهرب

الخطبوط : انا ماقلت لك يا قائد الحرس في امور مب طبيعيه اتصير اليوم
في المملكه .. هذي ثالني حاله اتجيني تشكي اليوم تحرك انت
وياه يلا بسرعه

السرطان: حاطر سيدي الحين انصيده .. انقطعه لك قطعه قطعه

الخطبوط: لا انا ابيه حي عشان انحاكمه واكون عبره لغيره من
البشر اللي يفكرون يعتدون ع مملكتنا .. يلا اتحرك انت وياه
جدامي بسرعه اشوف .. (يخرج الجميع ويدخل الاب من
الجهه الاخرى للمسرح على وقع موسيقى مختاره وممزوجه
باصوات قاع البحر متكررا وقد وضع بعض الاغصان
البحريه فوق راسه وهو يجمع القواقع البحريه الجميله ويحاول
اصطياد الاسماك وتخریب بيوتها .. ثم يخرج ويدخل حسون
وهو يجري خلف الاسماك وفله والعروسه يجرون خلفه)

فله : حسون يا حسون اعقل يا حسون واخل الاسماك في حالها

حسون : صبري اشوي ابي اصيدهم

العروسه : اعقل يا حسون ترا اذا صادوك الحرس من احسن لك

حسون : روحوا زين ماعلي منكم ٠٠ (يجري خلف سمكه فتدخل جحرها
 فيقوم حسون بتخريب الجحر وتقطيع المرجان والنبات البحريه
 ورمي المخلفات ع الارض ٠٠ يدخل الاخطبوط والسرطان
 والحرس بينما يخبيء الجميع عدا حسون الذي لم يكن منتبها
 لدخول الاخطبوط والسرطان والحرس)

السرطان : اقبضوا عليه يا حرس ٠٠

الاخطبوط : هاتوا هذا المخرب اهني (الحرس يقبضون على حسون) ٠٠
 افتح ملف التحقيق ياسرطان .. انتوا ايش جايبين اتسوون في
 مملكة البحور السبعه هاهاهاهاه

حسون : احنا ٠٠ احنا كنا ٠٠

السرطان : انتوا من بني البشر ٢٢٢

حسون : اي نعم

السرطان : انت اسمك حسون

حسون : اي نعم

السرطان : واسم ابوك علي

حسون : نعم

السرطان : واسم امك مريم

حسون : هاهاهاه

السرطان : اسم امك مريم

حسون : اشتبني باسم امي

السرطان : جابوب .. اسم امك مريم

حسون : نعم

السرطان : ساكن في فريج العزيزيه ٥٥ شارع ابي عباده

حسون : هههههههه

السرطان: اشفيك فاج حلجك جذي .. احنا انعرف عنك وعن حياتك ادق التفاصيل يا حسون يا ولد علي ومريم .. متى اتنام متى تصحى متى اتروح المدرسه متى ترجع من المدرسه متى تشرب متى تاكل ..

حسوني : هدوني ارجوكم .. هدوني ارجع عند اهلي

الاخطبوط : (ضاحكا) .. تبني ترجع عند هلك .. انشالله يا حسون .. بترجع عند اهلك بس مب قبل ماتت احاكم

حسون : اتحاكم ليش .. انا ماسويت لكم شي عشان اتحاكم

الاخطبوط : لالا لالا لالا كلش ماسويت شي .. انت يا حسون مجرم والمجرم لازم ايتحاكم على جريمته

حسون : انا مجرم .. ليش اشسويت انا ؟

الاخطبوط: تبني اتعرف ايش سويت .. عطني الصحيفه يا ولد (الحارس يسلمه لوحه) .. انت يا حسون مرتكب اكثر من خمسهِ وستين جريمه في حق سكان ممكلة البحور السبعه...
حسون : خمسهِ وستين جريمه مره وحده

الاخطبوط : نعم خمسهِ وستين جريمه رمي مخلفات في البحر

حسون : انا

الاطبوط : اي نعم انت .. وكل المخلفات اللي انت لوشت البيئه البحريه
منها موجوده ومحفوظه في ملف القضييه

حسون : اي بمن البحر مب لكم بروحكم

الاطبوط : البحر ملك الجميع يا حسون .. لكن انتوا يا بني البشر
ما عرفتوا اشلون اتحافظون عليه .. المخلفات اللي انتوا
ترمونها في قاع البحر اتدمر حياتنا وحيات اجيالنا من
الكائنات البحريه الجميله .. انتوا لازم اتعرفون يا بني البشر
انكم بتصرفاتكم هذي تقضون على الاف الانواع من الاسماك
والحيوانات والكائنات البحريه .. انتوا صحيح الله ميزكم عن
باقي الكائنات بنعمه العقل لكن للأسف انكم ماتستخدمونه الا
في تدمير البيئه في هذا الكون العظيم .. علشان جذي احنا
قررنا انحاكم اي واحد ايحيط بيدنا منكم يا بني البشر ..
علشان تاخذون درس بحياتكم ماتنسونه (مارش عسكري)

صوت : محكمه .. (تتغير الاضاءه ويتحول المكان الى قاعه محكمه
تتجمع الاسماك .. وتقف العروسه وفله في احد زوايا المسرح)

فله : ارجوج يا عروستي اتساعدين اخوي حسون

العروسه : لاتخافين انتوا انقننوا حياتي من الموت وانا لازم اساعدكم

صوت : محكمه .. (مارش عسكري يدخل القاضي ويجلس مكانه)

القاضي : المتهم حسن علي .. انت متهم بارتكاب جريمه بحق مملكة
البحور السبعه وذلك برمي المخلفات بها .. ماهي اقوالك
حسون : ارجوك اتسامحني يا حضرة القاضي .. انا اعترف اني غلطت
واوعدك ما عيدها مره ثانيه ..

القاضي : هذا شيء يا جميل يا حسن .. ان الاعتراف بالذنب فضيله
ليس عيبا ان يخطي الانسان ولكن العيب ان يستمر في خطئه
عليه قررنا ان نمسقط عنك شهرا واحدا من مدة الحكم والمتبقى
عليك شهرين .. (تدخل العروسه)

العروسه : لو سمحت يا حضرة القاضي ..

القاضي : تفضلي يا عروستنا الجميله

العروسه : واللي يفعل المعروف للغير ممكن يتخفف عنه الحكم

القاضي : وماهو المعروف الذي قدمه لك يا عروسه

العروسه : حسون واخته فله انقذوا حياتي من الموت يا حضرة القاضي

القاضي : نعم نعم لقد علمت بهذه الحكايه وعليه فقد قررنا تخفيف الحكم
لمدة شهر واحد فقط .. وعليه يقوم المتهم حسن علي بالعمل
مع عمال النظافه وتنظيف المملكه لمدة شهر واحد .. وسوف
تقوم الجهات المختصة بتحديد الاماكن التي يجب عليه تنظيفها
وبعد الانتهاء منها يصبح حرا وبامكانه العوده الى موطنه
.. رفعت الجلسه .. (يخرج الجميع ويبقى كل من العروسه
وحسون وقله على المسرح) ..

حسون : قلّه شالسالفه ترا انا ما فهمت شي من كلام القاضي

قلّه : يعني يا حسون بيحددون لك اماكن اتنظفها .. يعني انت
واجتهادك .. يعني ممكن اتنظفها في يوم وممكن اتنظفها في شهر
المهم يا حسون انك اتنظفها ..

حسون : واذا خلص الشهر وانا ما نظفت الاماكن هذي

العروسه : بياحكمونك مره ثانيه وبتزيد المده لي ثلاث شهور ثانيه

حسون : كله منج انتي يافلووووه العلووووه .. الحين انا اتم اهني شهر كامل واشتغل عامل نظافه

فله : تستاهل يا حسون .. يوم اقولك لازم انحافض على بينتنا تضحك علي (يدخل اثنان من الحرس ويقدمان لحسون مكنسه وملابس نظافه)

حارس ١ : يلا قوم شوف شغلك يا عامل النظافه يلا

حارس ٢ : يلا قوم نظف يلا

حسون : زين عاد اشفيكم اتصارخون

عامل ١ : يلا قوم لا اقطك في السجن الحين

حارس ٢ : يلا قوم لا تكثر كلام

حسون : زين باقوم اووووه (يبدأ حسون بالعمل متذمرا ويهرب والحرس يجرون خلفه وفله والعروسه تضحكان)

فله : مسكين حسون والله يكسر خاطر

العروسه : لا يافله حسون لازم ايتعلم اشلون ايحافظ ع نظافه البيئه

عمي الاخطبوط قالي انه يبي حسون ايتعلم درس عمره ما ينساه

فله : هاهاهاهاهاه انتوا متفقين على اخوي

العروسه : كان لازم انسوي جذي .. ولا حسون ماراح ايتعلم

فله : بس حرام شهر كامل يشتغل بيتعب المسكين

العروسه : ومن قالج شهر .. انا اتفقت مع اصدقائي وصديقاتي انساعد حسون في الشغل وانشالله خلال يومين ترجعون ديرنكم

فله : واشلون ناوين اتساعدونه

العروسه : تعالي معاي وبتشوفين اشلون .. (تخرجان ويدخل حسون
ويبدوا منهكا ويجلس ع الارض)

حسون : ااااه .. اااااه .. اااه ياربولي ااااه .. اااه ياظهري اااه
اااه ياويهي اااه .. اااه ياخشمي اااه .. طلعت روحي
والله قهر انا اشتغل عامل نظافه (يدخل الاب وهو مازال مستمرا
في اصطياد الاسماك)

الاب : ياسلام والله بنريح خير من ورا هالسمج والمرجان(ضاحكا
بطريقه كوميديه غريبه) .. حسون مالت عليك يا حسون
مشغلينك عامل نظافه .. (مستمرا في ضحكته ويخرج)

حسون : ييه .. تعال وين رايح يا ييه... ارجوك اتساعدني يا ييه

الاب : باروح اشوف شغلي عبالك فاضي لك انا .. البحر ذي فيه خيرات
يا حسون لازم نسرقها ..

ارجوك اتساعدني لاتخليني اهني بروحي .. تعال يا ييه ..
(يحاول الخروج خلفه فيصطدم باحد الحراس اللذين يدخلون
فجاءه ع خشبة المسرح) .. هدوني اقولكم هدوني ابي اروح
عند ابوي

حارس ١ : بتروح عند ابوك بس مب قبل ماتخلص الشغل اللي في يدك

حسون : هدوني اقولكم انا مابي اشتغل عامل نظافه

حارس ٢ : واشفي عامل النظافه هاللا ؟

حسون : هاهه لالالا مافي شي .. مافي شي

حارس ٢: يلا قوم كمل شغلك ليش يالس

حسون : خلوني ارتاح اشوي

حارس ١: مافي راحه يلا قوم اشتغل

حسون : شنوا مافي راحه .. مافي اجازة انتوا ماتتعبون من الشغل

حارس ٢: احنا العمل عندنا عباده .. يلا قوم اشتغل خل عنك الكسل

حسون : زين بيا قمنا به .. (يقوم حسون للعمل ويهرب والحراس يجرون خلفه .. تدخل العروسة ومعها فله ومجموعه من الاسماك وهم يقومون بالتنظيف على موسيقى مختاره)

العروسة : الحمد لله خلصنا الشغل كله .. (الجميع يصفق بفرح)
.. شكرا .. شكرا لكم كلكم يا اصدقائي الطيبين

سمكه : لاشكر ع واجب يا عروستنا الحلوه .. اللي سويناه واجب
علينا كلنا .. (يدخل الاخطبوط والسرطان والحرس وحسون يختبئ الجميع عدا العروسة وفله)

الاخطبوط : يه يه يه شالمالفه .. المكان اهني بعد نظيف .. اشلون
حسون قدر ينجر كل هذا العمل بهذي السرعة

السرطان : اكيد في اطراف ثانيه ساعدت حسون في انجاز كل هذا العمل
ياسيدي الاخطبوط

الاخطبوط : ومن اللي تجراء ايساعده ؟

العروسة : انا واصدقائي ساعدنا حسون ياسيدي الاخطبوط

المسؤول : ليش يا عروسة .. هذي ماكان اتفاقنا من قبل .. حسون اخطا
والمفروض ايتحمل نتيجة اخطائه .. ولازم ايتعلم الدرس

العروسه : كلامك صحيح ياسيدي الاخطبوط .. لكن انتوا دائما اتقولون
نظافة الوطن من واجب المواطن واحنا قمنا بواجبنا ..
ثانيا حسون وفله انقذوا حياتي من الموت وكان لازم ارد لهم هذا
المعروف ..

الاخطبوط : بارك الله فيج يابنيتي والله ايكثر من امثالج انتي واصدقائج
المهم ايكون حسون تعلم الدرس اللي ينفعه في حياته

حسون : انا تعلمت اكثر من درس ياسيدي الاخطبوط .. تعلمت اني لازم
احافظ على نظافة بيتتي .. تعلمت ان عامل النظافه انسان لازم
انحبه ونحترمه وانقدر عمله .. تعلمت انه العمل الشريف مب
عيب .. وتعلمت ان اللي يفعل خير لازم يلقي الخير واللي
يساعد الناس لازم الناس في يوم بتساعده .. مشكور ياسيدي
الاخطبوط مشكوره يا عروستنا الحلوه مشكورين كلكم يا اهل
ممكلة البحور السبعه .. (الجميع يصفق لحسون) ..

السرطان: (وكأنه يخطب) .. سيداتي انساتي سادتي وبهذه المناسبه
يسر ممكلة البحور السبعه ان تعلن عن اقامة حفل كبير
للمسيد حسون واخته فله المصون .. (الجميع يصفق يدخل اثنان
من الحس ومعهما الاب)

الحارس : سيدتي قبضنا ع هذا الانسي اللي يسرق الاسماك الجميله
والمرجان

فله : ييه ييه ... هدو ابوي

الاخطبوط : هذا اللص ابوكم

حسن : (يدفع الحرس) اشرد يايبه اشري فله
الاخطبوط : اقبضوا عليهم يا حرس .. اقبضوا عليهم بسرعه (المجموعه
تحاول الهرب بينما يصطدم حسن باحدى الصخور المرجانيه
وفله تحاول ايقاضه)

فله : حسون .. حسون .. قوم اشرد يا حسون .. (فاصل موسيقى - اظلام)

المشهد الثاني

(يعود ديكور المنزل كما كان في الفصل الاول ونرى حسن نائما ع الكرسي وبجانبه فله تحاول ايقاضه من النوم)

فله : حسون .. قوم يا حسون .. قوم اشفيك ابوي ينظرنا في السيارة بلا قوم

حسون : (يصحوا فجاءه) .. فله .. شردي يا فله شردي بسرعه .. عروسة البحر الاخطبوط .. (فله تحاول الامساك به وهو يجري ع لمسرح .. اعشاب الحياه ...

فله : اشفيك ياخوي ... حسون .. انت الضاهر حلمان ياخوي

حسن : (يجلس ع الكرسي) هااا حلمان ... يااااااااه فله صبح انا حلمان بس كان حلم طويل. وتعلمت منه اشيا وايد (صوت بوق السيارة)

فله : حسون قوم نروح ابوي ينظرنا برع في السيارة .. تاخرنا عليه وايد يخرجان وحسون يروي لها الحلم)

حسن : تدرين فله كان حلم عجيب وغريب .. رحنا تحت سطح البحر (تخرج عروسة البحر من المطبخ وفي يدها القدر والملاس تقترب من الجمهور تشير لهم بالوداع

العروسة : انتهت المسرحيه يا حلوين .. (تطرق ع القدر) توث توث

(الختام)